

平陽府志卷之三十四

祥異

物不恒見皆異也不獨妖爲異卽祥亦爲異桑穀生於
商廷麒麟獲於魯野所謂妖者果妖而祥者果祥耶君
子之學主於畏天物有反其常者則思其所以致之之
故恐懼修省勿之有怠焉耳矣且夫日蝕星孛徵於天
而難測水旱兵疫被於物而可憑休咎之驗或繫天下
或繫一境繫乎天下郡不得而詳也繫乎一境守境者
其敢畧諸噫天道遠人道邇反蝗渡虎有感斯應尙敬

之哉作祥異志

陶唐

堯之庭有草生焉曰蓂莢十五之前日生一葉十五之後

日落一葉小餘則一葉厭而不落觀之可以知旬朔故

又名歷草

史記

堯時蓂莢夾階而生舜亦如之

帝王世紀或云卽

朱草

按大戴禮朱草日生一莢至十五日後日落一

葉周而復始則蓂莢類爾

孝經援神契云朱草生蓂

莢乃二物也

抱朴子又名仙茅云

聖王仁功濟天下者堯也天降精

於庭爲薤感百陰而爲菖蒲

世紀典術通志按吳氏本草菖蒲名堯薤

堯

在位七年麒麟遊於藪澤

唐傳

堯卽政七十載德政清平

比隆伏羲鳳凰巢於阿閣驩林

尚書中候

堯爲仁君一日十

瑞宮中芻化爲禾鳳凰止於庭神龍見於宮沼歷草生

堦宮禽五色鳥化曰神木生蓮筵蒲生厨景星耀於天

甘露降於地是爲十瑞

任昉述異記

堯時有屈軼草佞人入

朝則屈而指之名指佞草

博物志

堯時嘉禾七莖三十五

穠

詩含神霧

陶唐之世南夷有越裳氏重譯來朝獻神龜蓋

千歲方三尺餘背有科斗文記開闢以來堯命錄之謂

之龜歷

鄭樵通志

堯遭洪水而民無菜色

楊震傳

桐挺東廂於

是訪桐以定閏

路史

日月如合璧五星如連珠

宋符瑞志

堯率

舜等遊首山觀河渚有五老飛爲流星上入昴論語堯

遊河渚赤龍負圖以出圖亦如綈春秋元命苞堯時三年耕

餘一年食謂之升平九年耕餘三年食謂之登平二十

年耕餘七年食謂之太平兔園策注太平之時雲則五色而

爲慶三色而成霜呂氏春秋通志按舊志五色雲現

慶筵脯生於厨符瑞志筵脯一名倚扇狀如蓬大枝

于堯時有解薦緝其毛爲帝帳田侯子張揖漢書注

君賞罰得中則生于朝廷觸不直者又論衡云薦一

角之羊也青色四足或曰似熊又述異記云解豸者一治獄其罪疑者令羊觸之堯時龍馬銜甲赤文綠色

臨壇上甲似龜廣袤九尺上有五色文

春秋緯

周

唐公來異畝同穎獻諸天子王命歸周公於東作歸禾

唐公既得命禾旅天子之命作嘉禾

書序

桓王十一年七月壬辰朔日食貫中央上下竟而黃京房

以爲是歲曲沃伯之應劉歆以爲六月趙與晉分

漢五行志

通志按漢儒推步日食詳載占驗故載之後世史家不指涉晉事者不錄

惠王十三年九月庚午朔日有食之董仲舒劉向爲晉世

子申生之應

同上

十六年晉獻公伐霍霍公求奔齊晉

大旱卜之曰霍太山爲祟使趙夙召霍君於齊復之以

奉霍太山之祀晉復穰

史記

二十二年九月戊申朔日有

食之董仲舒劉向以爲晉滅虢及奚齊卓子之應劉歆

以爲七月秦晉分

五行志

襄王三年雨金於晉

竹書紀年

六年沙鹿崩卜偃曰期年將有

大咎幾亡國

左氏傳

沙鹿晉地今趙城縣舊志

七年五月日有食之劉

向以爲象晉文公將行霸道後伐衛執曹伯敗楚於濮

朝天王河陽其效也董仲舒以爲秦獲惠公之應

五行志

十七年晉文公田有大蛇高如堤阻道竟之文公還車

而反齋宿三日請於廟自臯施德於民未半旬蛇臭腐

死

晉史乘

二十四年十二月己卯晉文公卒庚辰將殯於

曲沃出絳柩有聲如牛劉向以爲近鼓妖也將有急怒

之謀以生兵革之禍

五行志

頃王六年秋七月有星孛於北斗傳以爲趙穿之應

同上

匡王元年六月辛丑朔日有食之董仲舒劉向以爲晉靈

公之應

同上

定王六年秋七月甲子日有食之旣董仲舒劉向以爲楚

敗晉於邲亦其應

同上

晉人獲秦謀殺諸絳市六日而

蘇左傳八年夏四月丙辰日有食之董仲舒劉向以爲晉

滅潞氏甲氏亦其應十五年夏六月癸卯日有食之

董仲舒劉向以爲王師敗於茅戎晉敗齊於鞏其應也

五行

志

簡王十一年六月丙寅朔日有食之董仲舒劉向以爲晉

敗楚鄭於鄢陵執魯侯十二年春正月雨水冰或曰

今之長老名木冰爲冰介介者甲甲兵象也是歲晉有

鄢陵之戰十二月丁巳朔日有食之董仲舒劉向以爲

晉厲公之應

五行志

靈王十四年秋八月丁巳日有食之董仲舒劉向以爲晉
大夫專政之象 二十年九月庚戌朔日有食之董仲
舒以爲樂盈入於曲沃劉歆以爲七月秦晉分 二十
三年八月癸巳朔日有食之旣劉歆以爲六月晉趙分
同上

景王十一年春石言於晉魏榆晉侯問於師曠曰石何故
言對曰石不能言神或馮焉不然民聽濫也抑臣又聞
之曰作事不時怨讟動於民則有非言之物而言今宮
室崇侈民力彫盡怨讟並作莫保其性石言不亦宜乎

於是晉侯方築虎祁之宮叔向曰子野之言君子哉君

子之言信而有徵

左傳

魏管輅以爲晉平奢泰斬伐林木

殘破金石民力旣盡怨及山澤二精並作金石同氣則

兌爲口舌口舌之妖動於靈石傳曰輕百姓飾城郭則

金不從革此之謂也

三國史

十三年春王正月有星出婺

女鄭裨竈言於子產曰七月戊子晉君將死今茲歲在

顓頊之虛姜氏實守其地居其維首而有妖星焉告邑

姜也邑姜晉之妣也天以七紀戊子逢公以登星斯於

是乎出吾是以譏之

左傳

舊

二十年夏六月甲戌朔

志作定王

日有食之董仲舒以爲時宿在畢晉國象也

五行志

敬王七年秋龍見於絳郊魏獻子問於蔡墨曰吾聞之蟲

莫知於龍以其不生得也謂之知信乎對曰人實不知

非龍實知古者畜龍故國有豢龍氏有御龍氏龍水物

也水官弃矣故龍不生得

左傳舊志作六年

二十二年冬十一

月丙寅朔日有食之董仲舒劉向以爲晉大夫分晉之

應 二十五年八月庚辰朔日有食之劉歆以爲六月

晉趙分

五行志

按是時絳在今曲沃絳縣之間故得并書

元王六年澮絕於梁丹水三日絕不流

竹書紀年

貞定王三年乙亥晉地震

綱目前編

考王十有三年癸丑晉桃李冬實

同上

八年彗星見於晉十三年晉無雲而雷

舊通志

威烈王三年晉大旱地生鹽

竹書紀年

三年冬十一月晉有大火下於北方其聲如鼓四年

四月晉大雨雪二十年五月絳有三犬率衆犬數萬

聚於絳殺一犬於東方一犬於西方

舊通志

安王十五年魏大風晝昏

竹書紀年

顯王九年魏彗星見

十年魏星晝墜有聲

史記

二十三年

絳中地坼西絕於汾

竹書紀年

七年大雨三月魏敗韓趙兵於澮

舊通志

秦

始皇四年晉大雪

舊通志

漢

文帝三年秋天下旱

漢五行志

景帝中三年正月丁亥金木合於觜觿爲白衣之會三月

丁酉彗星夜見西北色白長丈在觜觿旦去益小十五

日不見 五年四月乙巳水火合於參 天文志

景帝後二年秋晉大旱冬十月日月皆赤十二月雷

日色如紫五星逆行太微月貫天街中 舊通志

宣帝本始元年四月壬戌甲夜辰星與參出西方 天文志

元帝五年夏四月有星孛於參 漢書

哀帝建平元年十二月白氣出西南從地上至天出參下

貫天厠廣如一疋布長十餘丈十餘日去 天文志 按舊志訛作元

帝永光元年

後漢

光武帝建武十二年平陽雨雹大如杯壞敗吏民廬舍

五行

志注

章帝建初五年二月戊辰木火俱在參

古今注

和帝永元元年正月辛卯有流星起參長四丈有光色黃

自古今注曰癸亥鎮在參 七年二月癸酉金火俱在

參 十六年四月戊午客星從紫宮西行至昴

天文志

安帝永初元年六月丁巳河東楊地陷東西百四十步南

北百二十步深三丈五尺十一月民訛言相驚司隸并

冀州民人流移

五行志

六年河東池水變色皆赤如血

五行

志

元初元年六月丁巳河東地陷

後漢書

延光二年春正月丙辰河東大風

後漢書

三月丙申河東

大風拔樹

五行志

安帝延光二年秋九月河東上言木連理

舊通志

桓帝建和元年秋七月河東言木連理

後漢書

河東有嘉瓜

兩體同蒂

宋符瑞志

永壽三年七月河東地裂

五行志

靈帝建寧四年五月河東雨雹山水大出漂壞廬舍五百

餘家注袁山松書曰是河東水暴出也河東地裂十二處裂合長十里百七十步廣者三十餘步深不見底

五行

志

按兩漢時平陽隸河東郡凡祥異統言河東者平陽所屬咸在內例得并書

晉

武帝咸寧二年八月庚辰平陽地震

晉五行志

太康元年平陽雨雹傷禾麥三豆

五行志

惠帝永寧元年十月平陽風雹折木傷稼

同上

懷帝永嘉二年前趙主劉淵遷都平陽汾水中得玉璽文